

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD
TUZLA

Tuzla, Kozaračka bb, tel.: +387 35 36 90 10, fax: +387 35 36 90 35, e-mail: info@csrtuzla.ba

Broj: 01-31-11-3199/25 NV
Tuzla, 17.11.2025. godine

PARLAMENT FEDERACIJE
PREDSTAVNIČKI DOM/ZASTUPNIČKI DOM
Predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 28-11-2025			
Org. jed.	Broj	Prilega	Vrijednost
05/1	- 02-	665	/25

PREDMET: Odgovor na zastupnička pitanja, dostavlja se
Veza vaš akt broj: 05/1-02-665/25 od 04.11.2025. godine

Poštovani,

U vezi sa vašim aktom broj: 05/1-02-665/25 od 04.11.2025. godine a u vezi sa zastupničkim pitanjima Admira Čavalić, zastupnika u Predstavničkom domu Parlamenta Federacije BiH:

Kada je JU Centra za socijalni rad Tuzla prvi put imao saznanja o zloupotrebi dvije maloljetnice? Koje konkretne mjere su poduzete nakon što je Centar dobio prvu prijavu? Da li su socijalni radnici blagovremeno obavijestili policiju i tužilaštvo u skladu sa zakonom? Ko je bio odgovorni stručni radnik za slučaj navedenih djevojčica? Da li je Centar uočio ranije znakove rizika (ponašanje, izostanci iz škole, prijave okoline) i kako je reagovao? Da li su djevojčice iz ovog slučaja bile pod institucionalnim starateljstvom Centra i da li je nadzor redovno vršen? Da li postoji redovna saradnja Centra za socijalni rad Tuzla sa MUP-om TK, školama i zdravstvenim ustanovama u slučajevima maloljetničke zaštite? Da li je u ovom slučaju Centar kontaktirao škole u koje su djevojčice išle i da li su škole dostavljale prijave sumnjivog ponašanja? Da li je Centar izvršio internu analizu ili reviziju postupanja svojih uposlenika u ovom slučaju? Koliko djece bez roditeljskog staranja trenutno boravi pod nadzorom Centra za socijalni rad Tuzla? Koliko slučajeva seksualnog zlostavljanja djece je evidentirano u protekle tri godine u evidenciji Centra? Da li Centar ima dovoljan broj socijalnih radnika, psihologa i pedagoga za efikasan nadzor nad maloljetnicima?

JU Centar za socijalni rad Tuzla daje sljedeći odgovor:

Saglasno odredbama člana 219a. Krivičnog zakona FBiH ("Službene novine FBiH" broj: 36/2003, 21/2004, 69/2004, 18/2005, 42/2010, 42/2011, 59/2014, 76/2014, 46/2016, 75/2017 i 58/2025) informacije koje vam možemo dati mogu biti isključivo opšteg karaktera i u vezi sa generalnim postupanjem organa starateljstva kada je u pitanju zaštita maloljetnih lica.

U navedenom predmetu malodobnom djetetu je pružana podrška i zaštita u okviru nadležnosti organa starateljstva.

Radnje koje su poduzimane u postupku zbrinjavanja malodobnog djeteta su bile u cilju pružanja podrške i smještaja za malodobno dijete.

Prilikom pružanja pomoći i podrške malodobnom djetetu Centar za socijalni rad Tuzla je naišao na problem smještaja djeteta koje je u stanju potrebe i u više navrata su odbijani zahtjevi za smještaj od strane Prihvatilišta pri JU Dom za djecu bez roditeljskog staranja ali i drugih ustanova socijalne zaštite, u nekom periodu i od Sigurnih kuća jer nisu ispunjeni uslovi da bi se malodobno dijete smjestilo. U cilju zbrinjavanja malodobnog djeteta tražena je podrška i od hraniteljskih porodica, međutim dostavljen je odgovor od dvadeset tri institucije da nemaju hraniteljsku porodicu za zbrinjavanje malodobnog djeteta.

JU Centar za socijalni rad Tuzla svakodnevno sarađuje sa MUP-om TK, sa svim policijskim stanicama na području Grada Tuzla. Svakodnevno se ostvaruju kontakti po prijavama i dopisima svih škola sa područja Grada Tuzla te Centar ima i svakodnevne kontakte i izlaske na teren po prijavama škola. Takođe saradnja sa zdravstvenim ustanovama je veoma dobra.

JU Centar za socijalni rad Tuzla na svojoj evidenciji ima 56 mlđb. djece smještene u ustanove socijalne zaštite i 42 mlđb. djece smješteno u hraniteljske porodice.

JU Centar za socijalni rad Tuzla prema sistematizaciji radnih mjesta ima 82 sistematizovana radna mjesta. Trenutno u Centru radi 45 radnika. Od sistematizovanih 30 radnih mjesta za socijalne radnike zaposleno je 14 radnika. Prema Pravilniku o radu sistematizovano je sedam radnih mjesta za psihologa od čega su tri radna mjesta popunjena. Pored navedenih stručnih radnika iz oblasti psihologije i pedagogije u Centru rade i dva pedagoga-psihologa. Iako se svake godine radi na povećanju broja radnika, prirodni odliv kadra prvenstveno radi penzionisanja radnika i porodijskih odsustva, umanjuje ukupni efekat mjera zapošljavanja novih radnika.

Radi zaštite najboljeg interesa malodobne djece i u cilju očuvanja integriteta postupka koji je u toku i koji se vodi kod nadležnih organa, sve aktivnosti koje se provode u Centru su u skladu sa zakonskim propisima i stručnim standardima u zaštiti i postupanju sa maloljetnicima i propisima o porodičnoj zaštiti.

S poštovanjem!

DOSTAVLJENO:

1. Naslovu
2. a/a

DIREKTORICA

Dr. sci. Lejla Sadiković dipl. pravnik



Broj: 02-1332-1/25
Tuzla, 19.11.2025. godine

PARLAMENT FEDERACIJE
PREDSTAVNIČKI / ZASTUPNIČKI DOM
n/r Predsjedavajući
Dragan Mioković

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 28.11.2025			
Org. jed.	Broj	Priloga	Vrijednost
05/1	- 02 -	701	125

PREDMET: Izjašnjenje na zastupničko pitanje-dostavlja se.

Poštovani,
dana 12.11.2025.godine zaprimili smo Vaše zastupničko pitanje broj: 05/1-02-701/25 od 10.11.2025. godine koje je postavio Admir Čavalić, zastupnik u Predstavničkom domu Parlamenta FBiH.

Ovim putem Vas obavještavamo o sljedećem.

Prava osiguranih lica na zdravstvene usluge, lijekove i programe koji se finansiraju sredstvima federalnog fonda solidarnosti definisana su Programom zdravstvene zaštite. Za ostvarivanje prava utvrđenih Programom zdravstvene zaštite, saglasnosti za upućivanje na liječenje na teret sredstava federalnog fonda solidarnosti izdaju nadležne stručne komisije imenovane od strane Federalnog ministarstva zdravstva i Zavoda zdravstvenog osiguranja i reosiguranja FBiH.

Stručne službe Zavoda zdravstvenog osiguranja i reosiguranja FBiH učestvuju u provođenju postupaka javnih nabavki, te nabavke lijekova i potrošnih medicinskih materijala.

Zavod zdravstvenog osiguranja i reosiguranja FBiH je za 2025. godinu zaključio Ugovor za finansiranje usluga iz programa fonda solidarnosti sa JZU UKC Tuzla. JZU UKC Tuzla šalje narudžbe lijekova prema Federalnom fondu, te ima ulogu posrednika između Fonda i pacijenata koji imaju saglasnost za liječenje.

U periodu 2025. godine JZU UKC Tuzla se suočio sa problemom nedostatka određenih lijekova koji se finansiraju iz sredstava Federalnog fonda.

- Azacitidin ampule 100mg nisu bile dostupne iz razloga nepostojanja važećeg ugovora, te je usljed povećanih potreba kasnila proizvodnja serije namijenjena našem tržištu. Lijek je dostupan na stanju od 30.10.2025. godine.
- Entekavir tablete od 0,5mg i 1mg nije dostupan od 10. mjeseca 2024.godine. Prema posljednjim informacijama dostupnim lijek je u fazi proizvodnje.
- Lijekovi Irinotekan ampule 40mg i 100 mg, te Karboplatin ampule 50mg i 150mg nisu bili dostupni, a kao uzrok nestašice navedenih lijekova dobavljač je naveo nadogradnju sterilnog postrojenja proizvođača. Lijek Irinotekan ampule je dostupan na stanju od 30.10.2025. godine.
- Lijek Trastuzumab ampule 150mg (Trazimera) nije trenutno dostupan, jer nema trenutno važećeg ugovora.
- Nilotinib kapsule 150mg i 200 mg, te Letrozol tablete 2,5mg nisu dostupne zbog

nemogućnost isporuke od strane dobavljača (defektura od strane dobavljača).

JZU UKC Tuzla nije nadležan za fizičku nabavku, niti isporuku lijekova, već za: pravovremeno slanje narudžbi prema važećim ugovorima, praćenje stanja zaliha, slanje urgencija dobavljačima, informisanje nadležnih institucija o kašnjenjima.

Odgovornost za kašnjenje isporuke snose dobavljači, dok je odgovornost za trajanje i dinamiku tenderskih procedura na strani nadležnih federalnih institucija i ugovornog organa, a ne na našoj Ustanovi.

Zavod zdravstvenog osiguranja i reosiguranja FBiH je nadležan za finansiranje, tendere i ugovaranje nabavke lijekova, ali i za njihovu distribuciju.

JZU UKC Tuzla je sve svoje obaveze izvršila blagovremeno i u skladu sa zakonskim procedurama.

S poštovanjem,

Uradio:

Mr.sci. Azra Nurkanović, dipl.pravnik, Referent za pravne poslove

Kontrolisao:

Ajla Crnkić, MA iur., Šef Službe za pravne poslove,

Armin Hurić, MA iur., v.d. Načelnik Sektora za pravne poslove i ljudske resurse

Dostaviti:

- 1x Naslovu,
- 1x Evidenciji.



VD. DIREKTOR

Prof.dr.med.sci. Šekib Umihanić